

1352. Do sp̄ch d' videlere d' stolze swemmelin.
 wenne sol iwer hohgezit in disen landen sin.
 Daz wir daz iweren vriwendn chvnen dort gesagn̄.
 do sp̄ch d' chvnich ezle zen nehsten svnwendn taḡn.
1353. Wir ¹ tvon swaz ir gebietet sp̄ch do w'belin.
 inir chemnatē bat siv div chvnegin.
 Bringen tōgenlichn daz si di botē gesp̄ch.
 da vō vil mangem degne sit wenich liebes geschach.
1354. Si sp̄ch zen botē beiden nv dienet michel gvt̄.
 daz ir minē willn vil gvtlichn tv̄t.
 Vn sagt swaz ich enbiete heim in vns' lāt.
 ich mach ivch gv̄tes riche vn gib iv h'lich gewāt.
1355. Vn swaz ir miner vriwende im' mvgt gesehn̄.
 ze wormez bi dem rine dn ir niht v'iehn̄.
 Daz ir noch nie gesehet betrvobet mine mv̄t.
 vn sagt minē dienest den helden chvon vnde gvt̄.
- Spalte b.
1356. Bittet daz si leistn̄ daz Rv̄dg'es inbot.
 vnd mich da mite schiedn̄ vō all' min' not.
 Di hivnen wellnt wenē daz ich ane vriwnde si.
 ob ich ein ritt' were ich chome etteweñe bi.
1357. Vn sagt ovch Gernote dem edln̄ brvd' mī.
 daz im zer werlde hold' niem mvge sin.
 Bittet daz er mir b̄nge h'in ditze lant.
 vns' beste vriwnde daz vns ze ern si gewāt.
1358. So sagt ovch Giselhe' daz er wol gednche dar an.
 daz ich vō sinē schvldn̄ nie leides niht gewā.
 Des seh̄n in vil g'ne hie div ovge min.
 ich het in hie vil g'ne dvrech di grozn̄ tvē sin.
1359. Saget ovch miner mv̄ter die ere di ich hā.
 vn op vō tro Hagne welle dort bestan.
 Wer si dāne solde wisen dvrech div lāt.
 dem sint di wege von chinde h'zen hivnē wol bechāt.
1360. Di botē nine westen wa vō daz was getā.
 daz si vō tro Hagne niht solden lan.
 Biliben bi dem rine ez wart in sider leit.
 mit im was mangē degne ze ḡmme tode wid' sei ²

¹ Rothe Initiale.² Beschnitten.